

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
14.02.2020թ. կայացված ԱՖ256335 որոշումն անփոփոխ, իսկ վարչական բողոքն առանց
բավարարման թողնելու մասին

<<18>> 03 2020թ. 7-13- 3008

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Արշակ Ղազարյանի ՄԴ/10616-20 դիմումի քննարկման արդյունքում ստեղծված
նյութերը՝

Պ Ա Ր Զ Ե Ց Ի

Երևան քաղաքի Դեմիրճյան փողոցի 40/5 շենքի 6 բնակարանի բնակիչ Արշակ Ղազարյանը
դիմումով իր անհամաձայնությունն է հայտնել Ճանապարհային ոստիկանության վարչական
իրավախախտման վերաբերյալ գործով 14.02.2020թ. կայացված ԱՖ256335 որոշմանը՝ նշելով,
որ ավտոմոբիլի հաշվառման համարանիշը փակվել է այլ անձի կողմից, իսկ ինքն այդ մասին
տեղեկացել է ՃՈ ծառայողներից:

Դիմումի քննարկման արդյունքում պարզվել է, որ վարչական իրավախախտման
վերաբերյալ գործով 14.02.2020թ. կայացված ԱՖ256335 որոշումը ենթակա է կատարման
հետևյալ պատճառաբանությամբ.

<<Ճանապարհային երթևեկության անվտանգության ապահովման մասին>> օրենքի 24-րդ
հոդվածի 1-ին մասի համաձայն՝ տրանսպորտային միջոցի սեփականատերը պարտավոր է
ապահովել տրանսպորտային միջոցի տեխնիկապես սարքին վիճակը՝ համաձայն
տրանսպորտային միջոցի շահագործումը թույլատրող պայմանների ու շահագործումն արգելող
անսարքությունների և պայմանների ցանկի:

Վարչական իրավախախտումների վերաբերյալ << օրենսգրքի 123.5-րդ հոդվածի 1.1-ի
համաձայն՝ տրանսպորտային միջոցի հաշվառման համարանիշի առնվազն մեկ նիշը փակելը՝
առաջացնում է տուգանքի նշանակում՝ սահմանված նվազագույն աշխատավարձի
քսանհինգապատիկի չափով:

Ուսումնասիրությամբ պարզվել է, որ 14.02.2020թ. ժամը 22:30-ի սահմաններում <<LEXUS>>
մակնիշի 36ST706 հաշվառման համարանիշի տրանսպորտային միջոցը տեղակայված է եղել
Երևան քաղաքի Աբովյան փողոցում՝ ավտոմոբիլի հաշվառման համարանիշի նիշը փակած
վիճակում, ինչի վերաբերյալ Ճանապարհային ոստիկանության ՃՊԾ 1-ին սպայական
գումարտակի 7-րդ սպայական դասակի տեսուչ, ոստիկանության կապիտան Գ.Աշխիյանը կազմել
է համապատասխան արձանագրություն և Վարչական իրավախախտումների վերաբերյալ <<
օրենսգրքի 13.5-րդ հոդվածի 1.1-ի համաձայն կայացվել է վարչական իրավախախտման
վերաբերյալ գործով ԱՖ256335 որոշումը:

Ճանապարհային ոստիկանության ծառայողների կողմից տրված պարզաբանման
համաձայն՝ քաղաքացի Արշակ Ղազարյանի կողմից կատարված իրավախախտումը
հիմնավորող տեխնիկական միջոցների կիրառմամբ ձեռք բերված ապացույցներ առկա չեն,
սակայն իրավախախտումն եղել է անմիջապես իրենց տեսադաշտում, ակնհայտ և պարզ
տեսանելի, ինչի կապակցությամբ կազմվել է համապատասխան արձանագրություն և կայացվել
ԱՖ256335 որոշումը: Միաժամանակ ոստիկանության ծառայողները հայտնել են, որ իրենց և
վարորդի միջև ծառայողական բնույթի խոսակցություններից բացի այլ խոսակցություններ չեն
եղել:

Դիմումում նշված հանգամանքների շուրջ պարզաբանումներ տալու նպատակով քաղաքացի Արշակ Ղազարյանը ներկայացել է Ճանապարհային ոստիկանություն, որտեղ իր գրավոր բացատրությամբ պնդել է դիմումում նշված հանգամանքները՝ նշելով, որ ավտոմոբիլի հաշվառման համարանիշը փակվել է այլ անձի կողմից առանց իր գիտության, խնդրել է քննարկել և տալ գրավոր պատասխան:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները:**

Այսպիսով, դիմումատուի պնդումներն արժանահավատ համարել հնարավոր չէ, իսկ դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 123.5-րդ հոդվածի 1.1-ի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 14.02.2020թ. կայացված ԱՖ256335 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արշակ Ղազարյանին և Ճանապարհային ոստիկանության ՃԴԾ 1-ին սպայական գումարտակ:

Կատարող՝ Ա.Մարգարյան
Հեռ. 011-54-47-83



Ե.Կարապետյան